

03 FEBRUARIE
RUGACIUNEA
SF. CNEAZ
SVIATOSLAV-GAVRIIL
DE LA IUREVSK

МОЛИТВА

О, святой угодниче Христов, благо-верный княже Святославе! Вемы тя, яко печальника земли Русския, кротостию своею в междоусобных распрех братий умиротворявшего. Странен и пришлец на земли явился еси, многожды бо гоним с престола княжения своего, чужд вражды и ненависти показался еси. Благородствие, богатство, честь и славу якоже суетная презрев, к Богу единому всею душою прилепился еси, и благо иго Христово на ся взем, миролюбием горняго Сиона достигл еси. Не вемы тя мертва быти, но и по смерти ведуще тя жива суца, предстояще пред цельбоносною ракою мощей твоих, сия сердцем и усты лобызаем и тебе зовем:

Призри на люте страждущее отечество наше, в немже крамолы и нестроения зело умножишася, и умоли Господа Славы да

помилует землю Русскую. Пробуди совесть нашу, суетными мудрованиями и страстьми пагубными усыпленную. Просвети сердца наша, гордынею и злопамятством омраченные. Потщися, угодниче Божий, не остави нас во греховнем плену быти, да не будем посмеяние диаволу и не умрем в лукавых деяниях наших, даруй нам покаяние люботрудное. Умири вражду на нас имущих, да не погибнут ради нашего окаянства. Буди усердный попечитель о домех наших, призри на слезы отцев и матерей о чадах своих заблудших. Посети в темницах сущих, вдовиц и сирых не остави к пользе душевной и телесной потребная у Господа испроси, во еже избавитися нам всем в день судный от страшных шуия части, стати же одесную со избранными Его и наследие Царствия Небесного славити купно с тобою всех благих Подателя единого в Троице славимого Бога, Отца и Сына и Святаго Духа ныне и присно и во веки веков. Аминь.